



# SIPA pronašla ogromne količine duhana

Akcija Derbi izvedena je na području Modriče, Šamca, Pelagićeva, Posušja, Gruda i Zenice, a pretresi su izvršeni na 15 lokacija

Policijski službenici **Državne agencije za istrage i zaštitu (SIPA)** jučer su na području Modriče, Šamca, Pelagićeva, Posušja, Gruda i Zenice realizovali operativnu akciju Derbi i izvršili pretrese poslovnih i stambenih objekata i pokretnih stvari na 15 lokacija.

Kako je saopšteno iz **SIPA**, slobode je lišeno 11 lica zbog postojanja osnovane sumnje da su počinila krivična djela organizovani kriminal, poreska utaja ili prevara, nedozvoljen promet akciznih proizvoda, nedozvoljeno skladištenje robe, nedopuštena trgovina i pranje novca propisana Krivičnim zakonom Bosne i Hercegovine. Lica lišena slobode su sprovedena u prostorije **SIPA**,

radi kriminalističke obrade i ispitivanja u svojstvu osumnjičenog.

Prilikom pretresa otkriveni su i privremeno oduzeti predmeti koja može poslužiti kao dokaz u daljem postupku i to: oko 20.000 konvertibilnih maraka i 6.000 eura; oko 11 tona duvana u listu; 49 velikih pvc vreća rezanog duvana; oko 3.800 kilograma korijena duvana; oko 1.000 kilograma duvanske folije; velika količina razne kartonske ambalaža za cigarete; oko 17.000 komada praznih filtera za punjenje cigareta; veća količina kartonske ambalaže za cigarete sa oznakom FM; dvije mašine za rezanje duvana; dvije električne mašine za punjenje cigareta; sedam digitalnih

vaga; mobilni telefoni i razna poslovna dokumentacija.

Pretresi su vršeni po nalogima Suda BiH i pod nadzorom državnog Tužilaštva, u saradnji sa Upravom za indirektno oporezivanje BiH, ministarstvom unutrašnjih poslova RS-a, ZDK-a i ZHK-a. Podsjetimo i na kampanju UIO Stop švercu, čiji je cilj da svi bh. građani koji imaju bilo kakvu informaciju o utaji indirektnih poreza i nezakonitom prometovanju robe, a posebno duhanskih preradevina, to dojavu na broj 080 02 06 07. Prema podacima UIO, u posljednje dvije godine smanjuje se procenat tzv. crnog tržišta duhana u BiH.

**AMELA LONČARIĆ**



Suzbija se crno tržište duhana u BiH / SIPA